



ԵՐԵՎԱՆԻ ՔԱՂԱՔԱՊԵՏԱՐԱՆ

ՎԱՐՉԱԿԱՆ ԻՐԱՎԱԽԱՍՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ № Վ- 41/3

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 20 » հոկտեմբեր 2021թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ն. Մկրտչյանի կողմից 28.09.2021 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող Լատուրա Վանյայի Հակոբյանի կողմից Երևան քաղաքի Չեխովի փողոցի հ. 29/5 և հ. 29/6 հասցեներում հասարակական նշանակության շինությունների վերակառուցման, վերնահարկի իրականացման համար նախատեսված շինարարական հրապարակը պատշաճ կազմակերպված չէ, մասնավորապես՝ բացակայում է սահմանազատող ցանկապատը, որի վերաբերյալ 28.09.2021 թվականին կազմվել է վարչական իրավախախտման վերաբերյալ թիվ 039397 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 20.10.2021 թվականին գործի քննությանը ներկայացավ և մասնակցեց կառուցապատող Լատուրա Վանյայի Հակոբյանի (անձնագիր AG 0439560, տրված 16.03.2005 թվականին, 003-ի կողմից) լիազոր ներկայացուցիչ Տիգրան Մարտիրոսյանը (անձնագիր AM 0547675, տրված 06.12.2011 թվականին, 005-ի կողմից): Վերջինս, բացի «Բացատրագիր» վերտառությամբ նյութում տրված բացատրություններից, հայտնեց նաև հետևյալը, որ ընդունում են իրավախախտումը մասամբ: Քննարկվող հատվածում առկա է շինություններ և ֆիզիկապես հնարավոր չէր կազմակերպել ցանկապատը: Սահմանազատել են ժապավենով, քանի որ շինարարական աշխատանքները դադարացված էին: Իր վստահորդի նկատմամբ առաջին անգամ է կազմվել արձանագրությունը:

Կառուցապատող Լատուրա Վանյայի Հակոբյանի լիազոր ներկայացուցիչ Տիգրան Մարտիրոսյանը կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 19.05.2020 թվականի հ. 01/18-Գ-2300-597 շինարարության թույլտվությունը, շինարարական հրապարակի կազմակերպման սխեման, լիազորագիրը, ինչպես նաև կառուցապատող Լատուրա Վանյայի Հակոբյանի լիազոր ներկայացուցիչ Տիգրան Մարտիրոսյանի կողմից տրված բացատրությունները և իրավախախտման լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի,

կառուցապատող Լատուրա Վանյայի Հակոբյանի կողմից Երևան քաղաքի Չեխովի փողոցի հ. 29/5 և հ. 29/6 հասցեներում հասարակական նշանակության շինությունների վերակառուցման, վերնահարկի իրականացման համար նախատեսված շինարարական հրապարակը սահմանազատող ժամանակավոր ցանկապատը պատշաճ կազմակերպված չէ, ինչը բերում է շինարարական հրապարակից դուրս ընդհանուր օգտագործման տարածքի աղտոտման: Կառուցապատող Լատուրա Վանյայի Հակոբյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 4-րդ, 7-րդ ենթակետերով սահմանված պայմանները:

Կառուցապատող Լատուրա Վանյայի Հակոբյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով կառուցապատող Լատուրա Վանյայի Հակոբյանի լիազոր ներկայացուցիչ Տիգրան Մարտիրոսյանի կողմից տրված բացատրությունը, և այն, որ կառուցապատող Լատուրա Վանյայի Հակոբյանի կողմից առաջին անգամ է թույլ տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 157.15-րդ հոդվածի 3-րդ մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող Լատուրա Վանյայի Հակոբյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 70.000 (յոթանասուն հազար) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ՊԵՏ՝

ԱՐԱՄ ԱԲՈՎՅԱՆ

